



Broj: 01-34-6-151-2/2018  
Tuzla, 27.02.2018.

Na osnovu člana 61. stav 2. Zakona o upravi („Službeni glasnik Bosne i Hercegovine“, br. 32/02, 102/09, 72/17), člana 62. Zakona o športu u Bosni i Hercegovini („Službeni glasnik Bosne i Hercegovine“ br. 27/08, 102/09, 66/16), Programa obuke doping kontrolora 2018.-2020. godina broj: 01-35-3-150/2018 od 22.02.2018. godine i Odluke ravnatelja Agencije za antidoping kontrolu o raspisivanju Javnog poziva za obuku, certificiranje i akreditiranje/reakreditiranje doping kontrolora broj: 01-34-6-151/2018 od 22.02.2018. godine, ravnatelj Agencije za antidoping kontrolu **objavljuje**

**JAVNI POZIV**  
**za obuku, certificiranje i akreditiranje/reakreditiranje doping kontrolora**

**OPĆE ODREDBE**

Sukladno Međunarodnoj konvenciji protiv dopinga u sportu, Svjetskom antidoping kodeksu, Zakonu o športu u Bosni i Hercegovini („Službeni glasnik Bosne i Hercegovine“ br. 27/08, 102/09, 66/16), Međunarodnom standardu za testiranja i istrage i Programu obuke doping kontrolora 2018.-2020. godina Agencije za antidoping kontrolu BiH (u daljem tekstu: Program), pozivaju se zainteresirana fizička lica da se prijave na *Javni poziv za obuku, certificiranje i akreditiranje/reakreditiranje doping kontrolora*. Sukladno Programu, Agencija za antidoping kontrolu Bosne i Hercegovine (u daljem tekstu: Agencija) će organizirati obuku kandidata koji ispunjavaju uvjete. Ovisno od broja prijavljenih kandidata obuka će se održati u Sarajevu, Banjaluci, Mostaru i Tuzli, o čemu će kandidati biti blagovremeno obaviješteni. Tokom obuke kandidati će dobiti upute za pripremanje i polaganje ispita za stjecanje certifikata o završenoj obuci doping kontrolora, a termin ispita će se naknadno odrediti. Navedeni ispit se sastoji od pismenog i praktičnog dijela, nakon čega će se kandidatima koji polože ispit izdati certifikat. Određeni broj kandidata koji polože ispit i kojima se izda certifikat bit će akreditirani. Broj akreditiranih doping kontrolora je ograničen, a lista akreditiranih doping kontrolora utvrđuje se na osnovu rezultata ostvarenih na ispitu i rang liste kandidata. Akreditirani doping kontrolori stječu mogućnost da eventualno, sukladno potrebama Agencije, mogu biti angažirani na poslovima doping kontrole po ugovoru o djelu. U slučaju prijave većeg broja kandidata od propisanog, Agencija će provesti pretestiranje kandidata s ciljem osiguranja odgovarajućeg broja polaznika obuke. Kompletan postupak obuke, certificiranja i akreditiranja/reakreditiranja doping kontrolora provodi se bez plaćanja naknade od strane kandidata.

**1) Prijava za doping kontrolora za uzimanje uzoraka urina**

**Uvjeti:**

- Opći uvjeti: osobe starije od 18 godina, državljani BiH.
- Posebni uvjeti: završen medicinski, farmaceutski, fakultet zdravstvenih studija ili odgovarajući fakultet društvenog smjera, visoka zdravstvena škola, viša ili srednja medicinska škola, srednja farmaceutska škola; aktivno znanje engleskog jezika; poznavanje rada na računaru; vozačka dozvola „B“ kategorije.

**Potrebna dokumentacija:** popunjen i svojeručno potpisan prijavni obrazac Agencije (dostupan na web stranici Agencije: [www.ada.gov.ba](http://www.ada.gov.ba)); biografija kandidata sa kontakt

podacima; pismo motivacije o razlozima pohađanja obuke i stjecanju certifikata; originali ili ovjerene kopije: diplome o završenom obrazovanju, uvjerenja o državljanstvu (ne starije od 6 mjeseci od dana izdavanja od strane nadležnog organa), dokaza o aktivnom znanju engleskog jezika, dokaza o poznavanju rada na računaru i vozačke dozvole. Ovjerene kopije dokumenata nemaju ograničen rok važenja, pod uvjetom da ni dokumenti čije su kopije ovjerene nemaju naznačen (preciziran) rok važenja. Kandidati koji budu akreditirani obavezni su naknadno dostaviti uvjerenje o nevođenju krivičnog postupka i uvjerenje o nekažnjavanju (ne starije od tri mjeseca).

## **2) Prijava za doping kontrolore za uzimanje uzoraka krvi**

### **Uvjeti:**

- Opći uvjeti: osobe starije od 18 godina, državljani BiH.
- Posebni uvjeti: završen medicinski, fakultet zdravstvenih studija, visoka zdravstvena škola, viša ili srednja medicinska škola; položen stručni ispit; najmanje jedna godina radnog iskustva na poslovima vađenja krvi u nadležnoj ustanovi; aktivno znanje engleskog jezika; poznavanje rada na računaru; vozačka dozvola „B“ kategorije.

**Potrebna dokumentacija:** popunjen i svojeručno potpisan prijavni obrazac Agencije (dostupan na web stranici Agencije: [www.ada.gov.ba](http://www.ada.gov.ba)); biografija kandidata sa kontakt podacima; pismo motivacije o razlozima pohađanja obuke i stjecanju certifikata; originali ili ovjerene kopije: diplome o završenom obrazovanju, uvjerenja o državljanstvu (ne starije od 6 mjeseci od dana izdavanja od strane nadležnog organa), uvjerenja o položenom stručnom ispitu, dokaza o radnom iskustvu u vađenju krvi (Uvjerenje zdravstvene ustanove), dokaza o aktivnom znanju engleskog jezika, dokaza o poznavanju rada na računaru i vozačke dozvole. Ovjerene kopije dokumenata nemaju ograničen rok važenja, pod uvjetom da ni dokumenti čije su kopije ovjerene nemaju naznačen (preciziran) rok važenja. Kandidati koji budu akreditirani obavezni su naknadno dostaviti uvjerenje o nevođenju krivičnog postupka i uvjerenje o nekažnjavanju (ne starije od tri mjeseca).

### **OPĆE NAPOMENE:**

Ukoliko se **jedan kandidat prijavljuje na javni poziv pod točkama i 1) i 2)** dostavlja samo jedan primjerak potrebne dokumentacije uz napomenu na prijavnom obrascu da se prijavljuje na javni poziv pod točkama i 1) i 2).

### **Isprave koje mogu poslužiti kao dokaz poznavanja engleskog jezika:**

- a) uvjerenje škola ili drugih institucija koje se bave obučavanjem znanja stranih jezika;
- b) uvjerenje fakulteta (o položenom ispitu engleskog jezika tijekom školovanja), kao i druga isprava fakulteta (ovjerena kopija upisnice/indeksa) koja potvrđuje znanje jezika, odnosno položene ispite engleskog jezika.

### **Isprave koje mogu poslužiti kao dokaz o poznavanju rada na računaru:**

- a) uvjerenje škola ili drugih institucija koje se bave obučavanjem znanja rada na računaru,
- b) uvjerenje fakulteta o položenom ispitu informatike, kao i drugu ispravu fakulteta (ovjerena kopija upisnice/indeksa) koja potvrđuje poznavanje ili znanje rada na računaru.

Doping kontrolori koji su **certificirani i akreditirani 2016. godine** dužni su izvršiti prijavu dostavljanjem potpisanog prijavnog obrasca, ažurirane biografije i pisma motivacije o razlozima zbog kojih žele reakreditaciju, te ponovo odslušati obuku i polagati ispit. Kandidati koji budu reakreditirani obavezni su dostaviti uvjerenje o nevođenju krivičnog postupka i uvjerenje o nekažnjavanju (ne starije od tri mjeseca).

Sve informacije u vezi Javnog poziva mogu se dobiti isključivo putem e-mail adrese Agencije: [info@ada.gov.ba](mailto:info@ada.gov.ba)

Potpisan prijavni obrazac sa potrebnom dokumentacijom dostavljaju se preporučeno putem **pošte** na adresu **Agencija za antidoping kontrolu BiH, ul. Maršala Tita 36, 75000 Tuzla**, sa naznakom:

***„Javni poziv za obuku, certificiranje i akreditiranje/reakreditiranje doping kontrolora u Agenciji za antidoping kontrolu BiH“***,

Potpisan prijavni obrazac sa potrebnom dokumentacijom može se dostaviti i **lično**, u zatvorenoj koverti, na protokol Agencije, ul. Maršala Tita 36, 75000 Tuzla, II kat, ured broj 7.

Krajnji rok za podnošenje prijave je ponedjeljak, 12.03.2018. godine. Nepotpune i neblagovremene prijave, kao i prijave poslone elektronskom poštom, neće se razmatrati.

**RAVNATELJ  
SLAVKO MATIĆ**